

Fra boschi, e monti tribolè da i venti,
 Che a stou pæise sciusscia d'ogn'intorno,
 Eive chi amigo donde l'è ou soggiorno
 D'este quattr'osse misere e dolenti
 Lontan da voui, e da ra mè Signora
 Che voui ancoa tanto a favorisce
 Imaginève comme staggo chie.
 Onde in bestia montou ciù che re bisce
 Che per desgrazia gh'han sciaccou ra cua
 Reniego Gavi, e chi ghe credde asscie.

SECOLO XVIII. — 1746.

Sonetto de Steva De-Franchi.

De trà sæu mi son stæto innamorao
 Sciu ri primmi anni dra mè fresca età
 E troppo à fave intende ghe vorrè
 Ro piaxeì che con quelle m'ho piggiao.
 Ra pittura è ra prima che ho trattao:
 Ra Poexia m'ha dato gusto assæ:
 Pe ra Musica ho fæto cose tæ
 Che dre volte per matto m'han çittao.
 Un poco ro pennello ò ra cannetta,
 Aora un libro de versi aveivo in man
 Aora ro chittarin ò ra spinetta.
 Ma dol pè in unna scarpa no ghe stæn.
 Chi ciù levore caccia, ogni donnetta
 Sa di che l'unna e l'atra fuzziran.

SECOLO XIX.

Parabula du Figgiu Prodigu.

Unna volta gh'ea ün puè che u l'aveiva dul figgi, e u ciù zuvenu
 u ga ditu: puè, dæme a parte dell'èreditæ che me tucca: e lè u l'ha
 detu a tütta dul a so parte; e doppu pochi giurni u fuggiu ciù zu-
 venu, fæto fangotti, u le partiu pe ün palze lontan lontan, e là u l'ha
 detu fundu a quantu u l'aveiva, vivendu da libertin. Quandu u l'ha
 avüu discipou tütta, le vegnüu ünna gran famme in te quella paize,
 e u l'ha cumensou a senti u beseugnu. U le andætu, e u se accur-
 dou cun ün ommu de quelle parti, u quæ u l'ha mandou in ta so
 villa a guardà i porchi, e u dexideava d'impise a pansa de quelle
 pænde che i mæximì porchi mangiavan; ma nüsciun ghe ne dava.
 Ritornou in lè u l'ha ditu: quanti servitui in caza de mæ puè han
 da pan abbretiu, e chi mi menu de famme! Me levio de chi, e me
 a' andio da mæ puè, e ghe diò: puè ho peccou contra a u Segnù e

v' ho offeisu, nu sun ciù degnu d' èse ciammòu vostru figgiu, assettème fra i vostri servitù. E partèndu de là u le andæto da so puè, e essendu ancun da lontan, u puè u l' ha vistu, e ghe ne fætu mà, e currindu u se ghe büttòu au collu, e u l' ha baxòu. E u figgiu u ga ditu: puè ho peccòu contra au Segnù e v' ho offeisu, nu sun ciù degnu d' èse ciammòu vostru figgiu. Allù a puè u l' ha ditu ai servitù: prestu tiæ feua a megliu roba e vestilu, metteighe ün anellu in diu e dæghe da càsæ, e purtæ chi u vitellu tegnùu a ingrascià, ammassælu, mangemmusselu e femmu allegria, perchè questu mæ figgiu u l' ea mortu e u le rescüscitòu, u s' ea pærsu e u se trovòu; e han cumensòu a fà sciampradda. U figgiu ciù grande u l' ea à campagna, e mentre u ne vegniva, avvinanduse a caza u l' ha sentiu cantà e sünà: u l' ha ciammòu ün di servitù, e u ga dimandòu còs' ea quell' invexendu, e lè u ga rispostu: le vegnùu vostru fræ e vostru puè u l' ha fætu ammassà u vitellu tegnùu a ingrascià, pe avei acquistòu so figgiu san e sarvu. Allù a se arraggiòu e u nu vueiva intrà, ma sciurtiu de feua u puè u se missu a pregàlu cu l' intrasse, ma lè u ga ditu vullì, le tanti annè che ve servu, disubidi nu v' ho mai disubidiu, e nu m' ei mai dætu ün cravettu pe fà ün pò d' allegria cu i mæ amixi, e aua che questu vostru figgiu u le vegnùu, doppa avei cunsümmòu tüttu u sò cun donne de mundu, gh' ei fætu ammassà u vitellu ingrasciòu. Allù a puè u ga rispostu, figgieu cau, ti tiè sempre cun mi, e tüttu quella che ho, u le tò: aua convegniva fà pastu e allegria, perchè questu to fræ u lea mortu e u le rescüscitòu, u lea pærsu e u s' e trovòu.